

ՄԻՋՐԱՆ ԳԱԼՍՏՅԱՆ

ԱՐՏԱԳՆԱՅՈՒԹՅՈՒՆԸ ՀԱՅԱՍՏԱՆՈՒՄ

(XIX դարի երկրորդ կես - XX դարի 80-ական թթ.)

Խմբագիր՝ Հ.Գ. ՍԱՐԳՍՅԱՆ

CONTENTS

THE JOURNAL OF THE ROYAL ANTHROPOLOGICAL INSTITUTE, VOL. XXXVII, PART I, 1907. PUBLISHED BY THE INSTITUTE, 21, BEDFORD SQUARE, LONDON, W.C.1.

ORIGINAL ARTICLES

THE JOURNAL OF THE ROYAL ANTHROPOLOGICAL INSTITUTE, VOL. XXXVII, PART I, 1907. PUBLISHED BY THE INSTITUTE, 21, BEDFORD SQUARE, LONDON, W.C.1.

NOTICE

ՆԵՐԱԾՈՒԹՅՈՒՆ

Այնպիսի բազմազգ երկրում, ինչպիսին Խորհրդային Աիությունն էի, կարևոր էի բնակչության տեղաշարժերի (միգրացիա) ուսումնասիրության դերը մի կողմից՝ ժողովրդական տնտեսության մեջ աշխատանքային ռեսուրսների ճիշտ տեղաբաշխման ու արդյունավետ օգտագործման, մյուս կողմից՝ ազգամիջյան հարաբերությունների զարգացման և կարգավորման գործում: Բնակչության միգրացիաները, որոնք բուռն կերպով էին ծավալվում անցյալ դարի 80-ական թվականներին, գիտատեխնիկական հեղափոխության և ուրբանիզացիայի պայմաններում նպաստում էին տարրեր էթնիկական ընդհանրությունների մերձեցման գործընթացներին: Եթե բնակչության միգրացիաները արագացնում են էթնիկական գործընթացները՝ առաջ բերելով «...էթնոսի այս կամ այն ռադադրամասում փոփոխություններ»¹, ապա այդ փոփոխություններն իրենց հերթին դառնում էին կարևոր նախապայման նրանց ակտիվ տեղաշարժերի համար: Անդրադառնալով այդ խնդրին՝ Վ. Ի. Պերեզենցը գրում է. որ «էթնիկական գործընթացները որոշակիորեն միգրացիայի հետևանք են»²: Այն որոշակի ազդեցություն է գործում նաև գյուղի, քաղաքի և տարածաշրջանի բնակչության էթնոսոցիալ կառուցվածքի վրա՝ փոփոխություն մտցնելով էթնիկական խմբերի հարաբերակցության մեջ, ընդլայնելով խառնազգային (ազգամիջյան) ամուսնությունների թվաքանակը³:

Խորհրդային տնտեսագիտական և սոցիոլոգիական գրականության մեջ միգրացիոն գործընթացը լայն առումով սահմանվում է որպես «... տարածության մեջ մարդկանց բո-

լոր տեսակի տեղաշարժեր», իսկ նեղ առումով՝ «մարդկանց տեղաշարժերի ամբողջություն, տարածքային այնպիսի տեղաշարժեր, որոնք անխզելիորեն կապված են միմյանց կամ բնակչության վայրի փոփոխության հետ որոշակի ժամանակաշրջանում»⁴: Նախկին ԽՍՀՄ-ում միատիպ տնտեսական, սոցիալական և քաղաքական հարաբերությունների պայմաններում ազգային տարբեր շրջանների համար բնութագրական էին միգրացիոն շարժումության տարբեր տեմպեր⁵: Աշխատուժի տարածքային ոչ համամասնական տեղաբաշխումը հանգեցրել էի այն բանին, որ նախկին Խորհրդային երկրի մի շարք շրջաններ (Անդրկովկաս, Միջին Ասիա) ունեին հարուստ աշխատանքային ռեսուրսներ, իսկ մյուսները (Սիրիոյ, Հեռավոր Արևելք) մեծապես զգույն էին դրանց կարիքը: Վերը նշված շրջանները տարբերվում են իրենց սոցիալ-տնտեսական և ժողովրդագրական զարգացման առանձնահատկություններով: Անդրկովկասում և Միջին Ասիայում, շնորհիվ բնակչության բարձր ծնելիության⁶, ժողովրդագրական տեմպերը հաճախ առաջ էին անցնում տնտեսականից, որի հետևանքով աշխատունակ տարիքի բնակչության մի մասը զրադված էի հանրային ար-

⁴ *Переведенцев В.И.*, указ. соч., с. 9.

⁵ Միգրացիոն շարժումության գործակցով առաջին տեղը գրավում էին ՌԽՖՍՀ-ն, Բելոռուսիան, Ռկրաինան և Լիտվան, երկրորդը՝ Մոլդովիան, Ղազախստանը, Էստոնիան, Լատվիան, որոնք, սույնին խմբի համեմատ, ունեին 1,5 անգամ ցածր միգրացիոն գործակից: 1,5-2 անգամ ցածր միգրացիոն շարժումության գործակից ունեին Հայաստանը, Ադրբեջանը, Թուրքմենիան, Կիրգիզիան, Վրաստանը, ամենացածրը (3անգամ)՝ Ուզբեկստանը և Տաջիկստանը: Տե՛ս *Рыбаковский Л.Л., Тарасова Н.В.*, Взаимодействие миграционных и этнических процессов. Социологические исследования (далее С.И.), N4, 1982, с. 30.

⁶ 1979թ. մարդահամարի տվյալներով՝ Ուզբեկստանում ընդամենի միջին չափը կազմել էր 5.5, Տաջիկստանում՝ 5.7, Թուրքմենիստանում՝ 5.5, Հայաստանում՝ 4.7, Վրաստանում՝ 4.0, Ադրբեջանում՝ 5.1 մարդ: Տե՛ս Численность и состав населения СССР: По данным Всесоюзной переписи населения 1979г., М., 1984, с. 220-221:

¹ *Бромлей Ю.В.*, Очерки теории этноса, М., 1983, с. 233.

² *Переведенцев В.И.*, Методы изучения миграции населения, М., 1975, с. 27.

³ Социально-культурный облик советской нации. По материалам этносоциологического исследования, отв. ред. *Арутюнян Ю.В., Бромлей Ю.В.*, М., 1986, с. 16.

տադրության մեջ¹: Միաժամանակ, մի կողմից ամուր կերպով պահպանված ազգակցական կապերը, ինչպես նաև բազմաճյուղյա ընտանիք ունենալու հանգամանքը և ավանդական կենցաղի մի շարք առանձնահատուկ գծերը, մյուս կողմից անհատի անձնական գործունեությունը և մասնագիտական պատրաստվածությունը, ազդում էին տարածքային շարժունության վրա²: Այդպիսի պայմաններում, հատկապես Կովկասում, այդ աշխատունակ բնակչության որոշ մասը, չփոխելով իր մշտական բնակավայրը, տարվա որոշակի շրջան ժամանակավորապես մեկնում էր այնպիսի վայրեր, որտեղ զգացվում էր աշխատուժի կարիք: Այսպիսով, արտագնացությունը աշխատուժի փոխանակման յուրահատուկ ձև էր՝ աշխատանքային ռեսուրսներ ունեցող շրջաններից դեպի դրանց կարիքն ունեցող շրջաններ:

Լինելով տնտեսագիտական եիմնախնդիր՝ արտագնացությունն ունի նաև իր ուսումնասիրության էթնոսոցիոլոգիական եայեցակետերը³, որոնք առաջին հերթին կապված են տարվա որոշակի մասը սեփական, մյուս մասը՝ այլ էթնիկ միջավայրում նրանց գործունեության հետ: Եթե սեփական էթնիկ միջավայրում նրանք որոշակի լեզվի, մշակույթի, ազգային հոգեբանության, ավանդույթների և սովորույթների կրողներ ու վերարտադրողներ են, ապա այլէթնիկ միջավայրում նրանց համար տարբեր էթնիկական խմբերի հետ ակտիվ և երկարաժամկետ շփումների իրական նախապայմաններ են ստեղծվում: Դրա հետևանքով տեղի է ունենում տարբեր մշակութային արժեքների փոխներթափանցման գործընթաց:

¹ 1979թ. մարդահամարի տվյալներով՝ Վրաստանում, Ադրբեջանում, Կիրգիզիայում, Չայնաստանում և Բելոռուսիայում անձնական օժանդակ տնտեսության մեջ զբաղվածների թիվը աճել էր 1,2-1,8, իսկ Տաջիկստանում՝ նույնիսկ 3,9 անգամ: *Стѣи Источник средств существования, Вестник статистики*, N 9, 1982, с. 79-80.

² *Макаров Л.В., Морозов Г.Ф., Тарасов Н.В.*, Региональные особенности миграционных процессов в СССР, М., 1986, с. 91.

³ Արտագնացության էթնոսոցիոլոգիական հայեցակետերի մասին մանրամասն տե՛ս *Галстян М.В.*, Проблемы изучения этносоциальных аспектов сезонной миграции. Проблемы регионального планирования (Тезисы докладов Всесоюзной школы ученых-экономистов), ч. 2, Владимир, 1987, с. 366-367.

Հետազոտության նպատակն է արտագնացությունը դիտարկել որպես բարդ սոցիալ-տնտեսական երևույթ և պարզել, թե այն ինչ ազդեցություն է գործում էթնիկական գործընթացներում, և դրանք ինչպես են ընթանում տարբեր սոցիալ-ժողովրդագրական խմբերում: Միաժամանակ, արտագնացության ուսումնասիրությունը նպատակ ուներ բացահայտելու էթնիկական այն գործոնները (լեզվի իմացություն, ազգամիջյան շփումներ, ներքնական հարաբերությունների առանձնահատկություններ, ավանդույթներ և սովորույթներ), որոնք կարող են ազդել այդ գործընթացների արդյունավետության վրա:

Բնակչության միատարր էթնիկական կազմի շնորհիվ արտագնացության էթնոսոցիալ ընթացիկը առավել ցայտուն էր դրսևորվում Չայնաստանում, որի ուսումնասիրությունը հնարավորություն է տալիս ինչպես նախկին ԽՍՀՄ-ի ազգային մի շարք շրջանների, այնպես էլ հանրապետության համար վեր հանել նրա զարգացման ընդհանուր և առանձնահատուկ գծերը:

Վերը նշված հիմնախնդրի լուծման համար աշխատության մեջ առանձնացված են մի շարք հարցեր, որոնցից հատկապես ուշադրության են արժանի հետևյալները.

1) Արտագնացությունը Չայնաստանում ունի իր պատմական զարգացման խոր արմատները, և այս տեսանկյունից կարևոր է ոչ միայն անցյալ դարաշրջանում նրա պատճառների, ընդգրկման շառավղիների, մասշտաբների և դինամիկայի էթնոսոցիալ բնութագրի քննարկումը, այլև էթնիկ ավանդության գործոնի դերի բացահայտումը, որը կարող է այդ գործընթացին հաղորդել ազգային ինքնատիպություն:

2) Ժամանակակից արտագնա խմբերի սոցիալ-մասնագիտական կազմի ընդհանուր բնութագրությունը, տիպաբանությունը և դրանց ձևավորման գործում էթնիկական առանձնահատկությունների բացահայտումը:

3) Անհատի էթնիկ վարքագծի դերը արտագնացության դրդապատճառների համակարգում:

4) Այլեթնիկ միջավայրում տեղի բնակչության հետ արտագնացների շփումները և միջավայրի ազդեցությունը նրանց սոցիալ-մշակութային կերպարի վրա: Նեղ առումով դրանք կարող են որոշակի փոփոխություններ առաջ բերել անհատի արժեքային կողմնորոշման, լեզվական իմացության, ավանդական մշակութային արժեքային բնութագրում, իսկ լայն առումով կարող են ընդգրկել նաև այն գյուղական բնակավայրերի էթնոսոցիալ կառուցվածքը, որտեղ դիտարկվում են արտագնացության բարձր տեմպեր:

Աշխատությունում արտագնացության երևույթին ցուցաբերվել է համակողմանի մոտեցում, որտեղ հաշվի են առնված դրա պատմական, տնտեսական, էթնոմշակութային, սոցիալ-հոգեբանական հայեցակետերը:

Անցած դարի 80-ական թվականներին արտագնացության հիմնախնդրի քննարկումը լայն բանավեճի առարկա էր դարձել գիտական գրականության մեջ և մամուլում: Հեղինակներից ոմանք այն գնահատել են որպես սոցիալիզմի սկզբունքներին խորթ երևույթ, իսկ մյուսները նշել են, որ արտագնացությունը ԽՍՀՄ-ի մի շարք շրջանների տնտեսական յուրացման գործում մեծ դեր է կատարել: Հրապարակախոսներից ոմանք էլ այն գնահատում են որպես «սոցիալական ախտաբանություն», որը ձևախեղում է անհատին և հանգեցնում ծանր սոցիալական հետևանքների¹:

Հիմնախնդրին անմիջական արձագանքները պայմանավորված էին երկու համագամանքով.

Առաջին՝ տալեցտարի ընդլայնվող արտագնացության մասշտաբներով, որին մասնակցում էրն տարբեր ազգության պատկանող մարդիկ: Այսպես, ըստ Ա. Բրովինի՝ ԽՍՀՄ-ում արտագնացների տալեցտարի միջին թիվը տասներորդ հնգամյակում տատանվել է 1 մլն-ից մինչև 2,3 մլն մարդու սահմաններում²: ԽՍՀՄ

աշխատանքի պետական կոմիտեի և պետալլանի աշխատանքի բաժնի գնահատմամբ ամեն տարի այդ գործընթացին մասնակցել է 120-150 հազար մարդ³:

Արտագնացությունը մեծ մասշտաբներ էր ընդունել Անդրկովկասում (մոտ 100 հազ. մարդ) և Հյուսիսային Կովկասում (հատկապես Չեչենա-Ինգուշական Ինքնավար Հանրապետությունում): Եթե Չեչենա-Ինգուշական Ինքնավար Հանրապետությունից ամեն տարի արտագնացության էր մեկնում մոտ 26 հազ. մարդ⁴, ապա Հայկական ԽՍՀ-ից՝ մոտ 25-30 հազար⁵: Այն համարվում էր հանրապետության առջև ծառացած լուրջ խնդիր, և այդ էր պատճառը, որ Հայաստանի կոմկուսի Կենտկոմը, 1987թ. անդրադառնալով «Հայկական ՍՍՀ-ի լեռնային և նախալեռնային շրջանների տնտեսական և սոցիալական հետագա զարգացման միջոցառումների մասին» որոշման կատարման ընթացքին, մեկ անգամ ևս նշեց, որ «Արթիկի, Ախուրյանի, Կալինինոյի, Մարտունու շրջաններում շարունակում է բարձր մնալ արտագնացությունը»⁶:

Արտագնացությունը ակտիվորեն էր զարգանում նաև Մոլդավիայում, Արևմտյան Ուկրաինայում և Բելոռուսիայում, որտեղ ոչ լրիվ տվյալներով ամեն տարի այդ գործընթացում ընդգրկվում էր մոտ 50 հազ. մարդ⁷:

Երկրորդ՝ արտագնացությունը արդեն երկար տարիներ կայուն կերպով պահպանում էր իր մասշտաբները և դադարել էր պատահական երևույթ լինելուց, միմյուր այն չի ստացել իր ամբողջական արժեքավորումը: Այդ կապակցությամբ Վ.Մ. Մոսիենկոն նշում է. «Դժվար է ժամանակակից միգրացիային ամբողջական գնահատական տալ, քանի որ սեզոնային միգրացիան հատուկ կերպով չի ուսումնասիրվել, բայց առանձին տվյալներ

¹ «Советская Россия», 14.01.1982г., «Литературная газета», 20.08.1986г., 14.01.1987., 15.06.1987г., «Известия», 18.04. 1985г., 15.04.1986г., «Սովետական Հայաստան», 20.12. 1984թ.:

² Бровин А., Сезонные бригады: Плюсы и минусы, Социалистический труд, 1983, N10, с. 80.

³ Адонц М.А., Даветян Л.М. и др., Сезонная миграция трудовых ресурсов.—В кн.: Проблемы повышения миграционной подвижности сельского населения Средней Азии, М., 1985, с. 103.

⁴ Войтович С.А., Никифорок Я.Д., За что платить шабашнику. Экономика и организация промышленного производства, 1988, N6, с. 127.

⁵ Адонц М.А., Даветян Л.М. и др., указ. соч., с. 103.

⁶ «Սովետական Հայաստան», 2. 01.1987թ.:

⁷ «Известия», 15 апреля 1986г.

վնայում են դրա նշանակալի և ռարդ կառուցվածքի մասին»¹:

Այդ խնդրի ուսումնասիրության նման վիճակը առաջին հերթին պայմանավորված է այն հանգամանքով: որ արտագնացությունը դեռևս ներկայացնում էի տարերային, դժվարությամբ հաշվառման ենթարկվող գործընթաց, և բացակայում էին փաստացի վիճակագրական տվյալները:

Երևույթի վերաբերյալ դեռևս չի ստեղծվել այն բնութագրող ամբողջական հասկացությունների համակարգ, իսկ եղածներն էլ որոշակի ճշգրտման կարիք ունեն: Համապատասխան գիտական գրականությունում, ինչպես նաև ժողովրդի խոսակցական լեզվում այդ երևույթը հաճախ կոչում են տարբեր հասկացություններով: Հայաստանում նրանց անվանում էին խոպանչիներ, արտագնացներ, սեզոնային միգրանտներ, իսկ ռուսերեն խոսակցական լեզվում «շաբաշնիկներ», «վայրի բրիգադներ», «էտան վաստակ ռըոնողներ», «սերմնագռավներ» (рзачи), «կոունկներ» և այլն: Անվանումների նման բազմազանությունը խոսում է երևույթի ռարդության և դրանորման մի շարք ձևերի մասին, որոնց շատ հաճախ ոչ ճիշտ սահմանագատման հետևանքով ստանում էին միևնույն ողակավորումը: Օրինակ՝ տեղի բնակչության շրջանում, ուրտեղ աշխատում էին արտագնացները, լայն տարածում էի ստացել «շաբաշնիկություն» անվանումը, որը ոչ միայն ճիշտ չէր արտացոլում, այլև միակողմանի պատկերացում էի ստեղծում արտագնացության ողջ գործընթացի վերաբերյալ: Պայմանականորեն կարելի է առանձնացնել տարերայնորեն ձևավորված սեզոնային բրիգադների երեք ձևեր: Դրանք միմյանցից տարբերվում էին ինչպես բրիգադների և եկամուտների ձևավորման հիմնական աղբյուրներով: այնպես էլ աշխատանքային շրջանի տևողության ժամկետներով:

Առաջինը սեզոնային բրիգադների այն խմբերն են, որոնք ունեին որոշակի մշտական կազմ և աշխատում էին վաղ գարնանից մինչև

ուշ աշուն: Բրիգադի անդամները տարիներ շարունակ մեկնում էին սեզոնային աշխատանքի, իսկ միջսեզոնի ընթացքում նրանց մի մասը աշխատում էի կամ էլ աշխատանքային ստաժի պահպանման համար ձևականորեն գրանցվում որևէ կազմակերպությունում: Եկամտի հիմնական աղբյուրը սեզոնի ընթացքում ստացած աշխատավարձն էի: Այդ խմբերը հիմնականում ձևավորվել էին Հյուսիսային Կովկասի, Անդրկովկասի, Արևմտյան Ուկրաինայի և Բելոռուսիայի գյուղական բնակչության հաշվին՝ ընտանեկան, ազգակցական, դրացիական, ընկերային սկզբունքների հիման վրա:

Երկրորդը ամառային բրիգադներն էին, որոնք աշխատում էին գլխավորապես ամռան ամիսներին: Նրանց կազմը անընդհատ փոփոխվում էի, քանի որ սեզոնային աշխատանքի էին մեկնում իրենց արձակուրդի հաշվին: Այդ խմբերի ձևավորման աղբյուրը քաղաքային բնակչությունն էր: Դրանք մեծ մասամբ մտավոր աշխատանքով զբաղվող մարդիկ էին՝ ինժեներներ, գիտաշխատողներ, մանկավարժներ, ուսանողներ և այլն: Սեզոնի ընթացքում ձեռք բերված վաստակը համարվում էի եկամտի լրացուցիչ աղբյուր:

Երրորդը ձևը ժամանակավոր կազմ ունեցող սեզոնային բրիգադներն էին, երբ բրիգադիրը իր մեկ-երկու սզնականների հետ մեկնում էի հեռավոր շրջաններ և կազմավորում բրիգադներ: Բրիգադիրը նրանց երաշխավորում էի անվճար սնունդ և քիչ աշխատավարձ: Բրիգադները կազմավորվում էին պատահական մարդկանցից, որոնք հաճախ չունեին համապատասխան շինարարական մասնագիտություն: Նրանք աշխատում էին մեկ սեզոն, որի ընթացքում աշխատավարձի հիմնական բաժինը մտնում էի բրիգադիրի և նրա մարդկանց զրպանը: Կառուցվող շինարարական օբյեկտները համընկնում էին ցածր որակով և թերություններով: Չարաշահումների առումով քրեական գործերի մեծ մասը ռաժին էի ընկնում այս բրիգադներին²: Վերը նշված խմբերից Հայաստանում մեծ տարածում էի գտել սեզոնային շինարարական բրիգադների առաջին

¹ Демографический энциклопедический словарь, М., 1985, с. 389.

² Бровин А., указ. соч., с. 79.

ծնել: Դրանք ներկա հետազոտության օբյեկտն են և ստացել են *արտագնացություն* կամ *տարագնացություն* անվանումը¹: Արտագնացություն կամ տարագնացություն հասկացությունը իր ծագումնաբանությամբ առավել հին է. անցյալում այն հայ իրականության մեջ ստացել էր նաև *պանդխտություն* անվանումը:

Ժողովրդախոսակցական լեզվում օգտագործվող *խոսքանշիներ* (խոսքանշաններ) տերմինի ծագումնաբանությունը կապված է Հայրենական մեծ պատերազմից հետո՝ 1950-60-ական թվականներին, նախկին ԽՍՀՄ-ի տարբեր շրջաններում գոյություն ունեցող խոսքանշանների յուրացման հետ, որը նոր թափ հաղորդեց այդ գործընթացին²:

Անգոնային միգրացիա և արտագնացություն հասկացությունները հաճախ գիտական գրականության մեջ օգտագործվում են միևնույն իմաստով: Մինչդեռ սեզոնային միգրացիա հասկացությունն ունի առավել լայն բովանդակություն, և արտագնացությունը հանդես է գալիս որպես դրա բաղկացուցիչ մաս³: Բացի դրանից, արտագնացության վերաբերյալ օգտագործվող որոշ եզրույթներ երբեմն միակողմանիորեն պարունակում են րացասական դիրքորոշում, որը առաջին հերթին պայմանավորված էր այլեթնիկ միջավայրում տեղի բնակչության հետ ստեղծվող կոնֆլիկտային տարբեր իրավիճակներով:

Երևույթների ճշգրտման հետ միաժամանակ սեզոնային բրիգադների մասն տիպաբանականացումը հնարավորություն է տալիս դրանք հետագա գործունեության համար մշակելու համապատասխան մոտեցում:

¹ Շատ *էր. Աղայանի*՝ «արտագնացություն» տերմինը նշանակում է. «1. Դժուր՝ ուրիշ տեղ գնացող, իր մշակական վայրից այլ տեղ մեկնող՝ այլ տեղում աշխատանք կատարող: 2. Աշխատելու նպատակով տեղից տեղ գնացող մարդ»: Տե՛ս *Աղայան էր.*, Արդի եայերենի բացատրական բառարան, Ե., 1976, էջ 142:

² *Փալատյան Ս.*, Հայաստանի Հանրապետության բնակչության աշխատանքային միջպետական տեղաշարժերը (ըստ էրևույթի ուղիղական հետազոտության նյութերի), Ռազմավարական և ազգային հետազոտությունների հայկական կենտրոն, Ե., 1998, էջ 4:

³ Հեղինակներից ոմանք, ըստ ընդգրկման շառավիղների, միգրացիոն գործընթացներում առանձնացնում են անվերադարձ, սեզոնային և ճոճանակային, իսկ մյուսները սեզոնայինից անջատում են նաև էպիզոդիկ ձևեր: Տե՛ս *Рыбаковский Л.Л.*, Миграция населения: Прогнозы, факторы, политика, М., 1987, с. 23.

Այսին աշխատանքի համար օգտագործվել են հետևյալ աղբյուրները.

1) Կուսակցական-կառավարական փաստաթղթեր, որոնք ընդունվել են խորհրդային ժամանակաշրջանում: Այդպիսի որոշումներ ընդունվեցին 1930-ական և 1950-ական թվականներին ԽՍՀՄ Կենտգործկոմի և Ժողովախորհի, ինչպես նաև 1970-1980-ական թվականներին Միմիստրների խորհրդի, Աշխատանքի պետական կոմիտեի և ՀամԿԽ-ի կողմից, որոնք սկզբունքային նշանակություն ունեին արտագնացության իրավական կողմերի կարգավորման գործում: Դրանցից հատկապես կարևոր էին ստորև նշված փաստաթղթերը⁴:

2) Վիճակագրական նյութեր. Արտագնացության մասշտաբների, դինամիկայի մասին հետաքրքիր նյութեր են պարունակում նախահեղափոխական շրջանում լույս տեսած մի շարք պարբերականներ և վիճակագրական ժողովածուներ⁵: Կարևոր աղբյուր են ծառայում նաև 1959, 1970, 1979 թվականների համամիութենական մարդահամարների տվյալները, որոնք, ճիշտ է, անմիջականորեն չեն առնչվում այդ հիմնախնդրին, սակայն հնարավորություն են տալիս պատկերացում կազմել հանրապետության բնակչության էթնիկական կազմի և գրադվածության ոլորտի, սոցիալական կառուցվածքի, էթնոլեզվական

⁴ Об устранении препятствия к свободному отходу крестьян на отхожие промыслы и сезонную работу (далее Об отходничестве). Постановление Центрального исполнительного комитета и Сов. Народных Комиссаров от 30 июня 1931г., Соб. законов распоряжений рабоче-крестьянского правительства СССР, отд. 1, М., 1931, N42, статья 286, Съезды Советов Союза ССР, Союзных и Автономных Советских соц. респ., Соб. документов в трех томах, т. III, М., 1960, с. 191. О новом порядке организованного труда в колхозе. — Собрание законов и распоряжений рабоче-крестьянского правительства СССР, Отдел I, 1933, N21, статья 116, Об упорядочении отходничества на сезонные работы, Постановление Совета Министров СССР от 19 июня 1973г., N421, Собрание Постановлений правительства СССР, 1973, N 15, с. 84 и др.

⁵ «Сборник статистических сведений о Кавказе», Тифлис, 1869, т. 1, с. 33, 49, 54, 59, 67; Обзор Эриванской губернии за 1901г., Эривань, 1902, с. 11; ...за 1912г., Эривань, 1913, с. 14-15; ... за 1913г., Эривань, 1914, с. 15; Памятная книжка Эриванской губернии за 1908, Эривань, 1908, с. 248 и др.: «Մշակ», Թիֆլիս, 1899, N119, 1900, N25, N45, N46:

գործընթացների և այլ հարցերի մասին¹: Օգտագործվել են նաև ՀԽՍՀ կենտրոնական վոճակագրական վարչությունից, Պետականի արդյունաբերական էկոնոմիկայի գիտահետազոտական ինստիտուտի արխիվներից վերցված տվյալներ², ինչպես նաև հանրապետությունում և ԽՍՀՄ-ում լույս տեսած տարրեր վոճակագրական ժողովածուներ³:

3) Դաշտային ազգագրական նյութեր, որոնք հեղինակի կողմից 1985-1987թթ. գիտարշավների և անհատական գործուղումների միջոցով ՀՀ տարրեր մարզերի գյուղերի

լիս ուսումնամիտել արտագնացության էթնոսոցիալ բնութագրերը: Ավելին, արտագնացության վերաբերյալ կոնկրետ վիճակագրական տվյալների բացակայության հետևանքով հնարավոր չէ կանխատեսել երևույթի հետագա զարգացման մասշտաբներն ու դինամիկան⁵: Այդ նյութերում բացակայում էին նաև արտագնացության դրդապատճառների, էթնիկական վարքագծի, սոցիալ-մասնագիտական կազմի վերաբերյալ տվյալները:

Նշված խնդիրների պարզարանմանը նպաստեցին 1987թ. արտագնացների և նրանց ընտանիքների շրջանում հարցաթերթիկի մի-

Աղյուսակ 1

Սարուխան, Փանիկ և Գեղաշեն գյուղերի արտագնացների թիվը 1979-1986թթ.

Տարեթվեր	Սարուխան		Փանիկ		Գեղաշեն	
	Բնակչ. թիվը	Արտագնացների թիվը	Բնակչ. թիվը	Արտագնացների թիվը	Բնակչ. թիվը	Արտագնացների թիվը
1979	6600	780	2474	335	2660	158
1980	6677	720	2488	328	2713	164
1981	6737	900	2411	301	2785	80
1982	6815	981	2472	249	2840	85
1983	6951	978	2493	353	2912	80
1984	7078	797	2516	302	3028	84
1985	7229	880	2526	330	2981	82
1986	7300	1034	2553	337	3030	83

ծխական մաստյաններից հավաքված նյութերն են⁴: Դրանք վերաբերում են արտագնացների ընտանիքների կազմին և թվաքանակին, մասնագիտությանը, տնտեսական հնարավորություններին, այլ հանրապետություններ մեկնելու վայրերին և այլն:

Արժեքավորելով այդ աղբյուրները՝ այնուհանդերձ դրանք հնարավորություն չեն տա-

լիս չոցով իրականացված էթնոսոցիոլոգիական հետազոտության արդյունքները, ինչպես նաև հիմնախնդրի հետ առնչվող հանրապետության ղեկավարների և գիտության տարրեր ընագավառների մասնագետների շրջանում անցկացրած փորձագիտական հարցման տվյալները:

Հետազոտության համար մեթոդաբանական հիմք էր ծառայել «ԽՍՀՄ-ում ազգերի մերձեցման և զարգացման սոցիալ-մշակութային պայմանները» ծրագիրը⁶: Համաձայն այդ ծրագրի՝ կազմվել է հարցաթերթիկ, որ-

¹ Итоги Всесоюзной переписи населения 1959г., Арммянская ССР, М., 1963, Итоги Всесоюзной переписи населения 1970г., т. VII, М., 1974; Итоги Всесоюзной переписи населения 1979г., по Армянской ССР, Ер., 1980.

² Նյութերը պահպանվում են ՀՀ ԳԱԱ հնագիտության և ազգագրության ինստիտուտի էթնոսոցիոլոգիայի բաժնի արխիվում (այսուհետ՝ ՀՀ ԳԱԱ ՀԱԻ ԷԲԱ):

³ Численность и состав населения СССР. По данным Всесоюзной переписи населения 1979г., М., 1984; Народное хозяйство Армянской ССР в 1985г.; Статистический ежегодник, Е., 1986, и др.

⁴ Աղախի նյութեր հավաքվել են Լոռու մարզի Մեծավան, Սարգսի, Շիրակի մարզի Անուշավան, Մարմաշեն և Փանիկ, Գեղարքունիքի մարզի Սարուխան, Երանոս, Վերին և Ներքին Գետաշեն, Կոտայքի մարզի Գեղաշեն գյուղերից: Տե՛ս ՀՀ ԳԱԱ ՀԱԻ ԷԲԱ:

⁵ Այդ կապակցությամբ *Բ. Խորեկ* և *Վ. Շապեն*ը նշում են. «Ինչ վերաբերում է սեզոնային միգրացիային, ապա այստեղ վիճակագրական հաշվարկ գրեթե չի կատարվել, և միայն կարելի է խոսել ժողովրդական տնտեսության առանձին ճյուղերի վերաբերյալ ոչ ամբողջական տվյալների մասին»: Տե՛ս *Хорее Б.С., Чапек В.Н.*, Проблемы изучения миграции населения (Статистико-географические очерки), М., 1978, с. 38.

⁶ *Арутюнян Ю.В.*, Социально-культурные аспекты развития и сближения наций в СССР (Программа, методика и перспективы исследования). Советская этнография (далее СЭ), 1972, №3.

տեղ տեղ էին գտել արտագնացության պատճառներին, ընդգրկման շառավիղներին, արտագնացության ժամկետներին, արտագնա խմբերի ձևավորման աղբյուրներին, սոցիալ-մասնագիտական կազմին, միջանձային շփումներին և դրանց ազդեցություններին, հոգևոր և նյութական մշակույթի ոլորտներին վերաբերող հարցեր:

Հետազոտության ընտրանքը ուներ ներկայացուցչական ընկոյթ: Հարցման ենթարկված ամիսատներն ընտրվել էին գյուղխորհրդի ծխական մատյանների հիման վրա, որտեղ հաշվի էին առնված նրանց տարիքը, կիթությունը, մասնագիտությունը, ընտանեկան կազմը, տնտեսական դրությունը, նախնական զբաղվածության ոլորտը: Բացի անձնական գործոններից, ընտրանքի համար սկզբունքային նշանակություն ունեին նաև բնակավայրից կատարվող արտագնացության ծավալները, բնակավայրի մեծությունը, բնակլիմայական պայմանները, գյուղատնտեսության և արդյունաբերության զարգացման ուղղվածությունը, պատմաազգագրական առանձնահատկությունները և այլն: Այդ գործոնները իրենց ազդեցությունն էին թողնում ինչպես բնակչության զբաղվածության, այնպես էլ նրանց կենսաապահովման (բնակավայր, բնակարան, հագուստ, ուտեստ) և սոցիոնորմատիվ մշակույթի վրա¹: Վերը նշված գործոնների հիման վրա ընտրվել են նախկին ՀԽՍՀ երեք վարչատարածքային շրջանների տարրեր մեծության գյուղական բնակավայրեր. Կամույի շրջանից՝ Սարուխան (մինչև 8000 բնակիչ), Արուվանի շրջանից՝ Գեղաշեն (մինչև 4000 բնակիչ), Արթիկի շրջանից՝ Փանիկ (մինչև 3000 բնակիչ) գյուղերը²: Ստորև ընկած աղյուսակ 1-ը ցույց է տալիս արտագնացների թվաքանակի Սարուխան, Փանիկ և Գեղաշեն գյուղերում 1979-86թթ.: Վերը նշված գյուղերում նկատելի են արտագնացության ծավալների տարբե-

րություններ: Ըստ աղյուսակի՝ 1986թ. Սարուխան գյուղն ուներ 7300 բնակիչ, որոնցից արտագնացության էի մեկնել 1034 մարդ, Փանիկ գյուղը, որի բնակչությունը կազմել էր 2553 մարդ, արտագնացության էի մեկնել 337 մարդ, իսկ Գեղաշեն գյուղի 3030 բնակիչից՝ 83 մարդ: Հարցման ենթարկված ընտրանքի ամբողջությունը կազմում է հանրապետության արտագնացների 1%-ը: Ընտրանքի հնարավոր սխալը կարող է տատանվել $\pm 2,5\%$ -ի սահմաններում:

Արտագնացության թեման նախահեղափոխական շրջանում լայնորեն արծաթծվել է հայ գրականության մեջ³ և ժողովրդական պանդխտության երգերում⁴: Կապված հայ գյուղի սոցիալ-տնտեսական պրոբլեմների և բնակչության նիստ ու կացի, սովորույթների քննարկման հետ՝ այդ թեմային անդրադարձել են նաև պատմաբանները,⁵ տնտեսագետները⁶ և ազգագրագետները⁷:

Արտագնացության պրոբլեմը քննարկվել է նաև հեղափոխությունից հետո աշխատուժի զբաղվածությանը, կոլեկտիվացմանը, գյուղա-

³ Նալբանդյան Ա., Երկեր., հ.4, Ե., 1983, էջ 63-67; Բախ-Ֆի, Երկեր., հ. 4, Ե., 1984, էջ 64-146; Իսահակյան Ա., Երկեր, հ.1, Ե., 1979, էջ 464; Վարուժան Դ., Երկեր, Ե., 1988, էջ 115, 121; Սիմանյան, Ե., 1979, էջ 162, 164, 165, 168, 171, 175; Զոհրապ Գ., հ. 1, Ե., 1962, էջ 53-68; Մկրտչյան Ա., Երկեր, գիրք Բ, Ե., 1967, էջ 62-70:

⁴ Մկրտչյան Ա.Ա., Հայ ժողովրդական պանդխտության երգեր, Ե., 1961, էջ 43-47:

⁵ Դովհաննիսյան Ա., Նալբանդյանը և նրա ժամանակը, հ. 1, Ե., 1955, էջ 359-362; Համարյան Ա.Ա., Ազգային հարաբերությունները Արևմտյան Հայաստանում (1856-1914), Ե., 1965, էջ 229-230; Մույնի, Հայաստանի սոցիալ-տնտեսական հարաբերությունների համառոտ պատմությունից (XIX դ. երկրորդ կես, XX դարի սկիզբ), Ե., 1983, էջ 67-76, 155-158; Մույնը, Արևելյան Հայաստանի գյուղացիության արագնացության մասին, Լրարեր եասարակական գիտությունների (այսուհետ՝ ԼՀԳ), N8, 1985; Հայ ժողովրդի պատմություն (այսուհետ՝ ՀԺՊ), հ. 6, Ե., 1981, էջ 75-89:

⁶ Ածոնց Մ.Ա., Экономическое развитие Восточной Армении в XIX веке, Е., 1957, с. 345-355; Пикичян Г., Народное хозяйство и кооперация Армении, Тифлис, 1927, с.30-31; Стопани А.М., Нефтепромышленный рабочий и его бюджет, Баку, 1916, с. 5-46:

⁷ Ազգագրական հանդես (այսուհետ՝ ԱՀ), գիրք Ա (N1), Շուշի, 1896, էջ 174; գիրք Բ (N2), Թիֆլիս, 1897, էջ 80, 85, 164-169; գիրք Ե (N1), Թիֆլիս, 1899, էջ 49; գիրք X, (N10) Թիֆլիս, 1903, էջ 126, 131; գիրք XI (N1), Թիֆլիս, 1904, էջ 66; գիրք XVIII (N2), Թիֆլիս, 1908, էջ 136-137, 146; գիրք XIX (N1), Թիֆլիս, 1910, էջ 33; Մովսես-ժայանց Գ., Երկեր, Ե., 1982, Ե. 2, էջ 89-90, 329-330, 333-335, 363; Լիսիցյան Ա., Զանգեզուրի հայերը, Ե., 1969, էջ 162-163, 184, 246-247:

¹ Культура жизнеобеспечения и этнос. Опыт этнокультурологического исследования (На материалах Армянской сельской культуры), Е., 1983, с. 35-36:

² Գյուղականի հեա եամեմատած՝ արագնացության ցածր անմալեր են դիտարկվում քաղաքային բնակչության շրջանում, որի պատճառով էլ հետազոտության ընտրանքում ընդգրկված է սիսուս գյուղական բնակչությունը: Այդ մասին են վկայում աշխատանքի 26 և 27 աղյուսակներում ընկած վիճակագրական ավյալները:

տնտեսության մեքենայացմանն ու ինդուստրացմանը նվիրված աշխատություններում:¹

Հետպատերազմյան ժամանակաշրջանում ընկալության միգրացիոն գործընթացների ուսումնասիրության գործում մեծ ներդրում ունի Վ.Ի. Պերևեդենցը: Սիրիի ընկալության միգրացիոն գործընթացների ուսումնասիրության ընթացքում նա միաժամանակ ուշադրություն է դարձրել միգրացիայի մեթոդաբանական հարցերին²: Լիբիայի գյուղերի սոցիալական գաղափարացմանն ու նրա ընկալության միգրացիայի վերաբերյալ հետազոտություն է անցկացրել ԽՍՀՄ ԳԱ սիրիյան բաժանմունքը՝ Տ. Ի. Ջասլուսկայայի գլխավորությամբ: Քննարկելով հիմնականում գյուղից քաղաք ընկալության տեղաշարժերը՝ նրանք, տեսական և մեթոդաբանական հարցերի մշակմանը գուզընթաց, իրենց աշխատություններում առաջինը սկիզբ դրեցին անհապառի միգրացիոն վարքի ուսումնասիրությանը:³

Լկդ ժամանակաշրջանի միգրացիոն գործընթացներին վերաբերող գրականության մեջ մեծ տեղ է հատկացված նաև ընկալության վերարձակեցման,⁴ միգրացիայի կանխարգելման և մոդելավորման⁵ ընկալության տարածքային տեղաբաշխման կատարելագործման

հիմնախնդիրներն⁶: Չնայած այն փաստին, որ սեզոնային աբսազմա աշխատանքն ընդհանուր միգրացիոն գործընթացի թաղկացուցիչ մասերից է, նշված հեղինակների մոտ բացակայում է քննարկվող երևույթի ամրոգչական լուսարանումը: Բուն արտագնացության հիմնախնդրի վերաբերյալ գոյություն ունեն շատ քիչ թվով ուսումնասիրություններ: Դրանցից հատկապես կարելի է առանձնացնել մի քանի հոդված, որոնք լույս են տեսել վերջին տարիներին: Հոդվածի հեղինակները, իրենց առջև դնելով որոշակի խնդիրներ, անդրադարձել են այդ հիմնախնդրի տարբեր կողմերին, որտեղ երբեմն տրվել են նաև ոչ ճիշտ միակողմանի գնահատականներ⁷:

Եթե քաղաքային ընկալության ձևավորման և ադապտացման տեսանկյունից միգրացիոն գործընթացները արդեն որոշակի քննարկման առարկա են դարձել խորհրդային ազգագրական գրականության մեջ,⁸ ապա նույնը չենք կարող ասել արտագնացության վերաբերյալ:

Բնակչության միգրացիոն գործընթացներն ընդգրկել էին նաև միջցամաքային և միջպե-

¹ *Չեղանյան Գ.Ս.*, Սոցիալ-տնտեսական փոփոխությունները Հայաստանում և Դի տարիներին (1921-1936), Ե., 1978, էջ 93-96; *Րոգաչևսկայա Լ.Ս.*, Решающий этап ликвидации безработицы в СССР. История СССР, N3, 1968; *Արутյան Ե.Ս.*, Коллективизация сельского хозяйства и высвобождение рабочей силы для промышленности. - В кн. Формирование и развитие советского рабочего класса (1919-1961), М., 1964, с.33:

² *Քերեզենցե Ե.Ս.*, указ. соч.; Его же, Миграция населения и трудовые проблемы Сибири. Новосибирск, 1966; Его же, Плачу долги, даю займы: Актуальные проблемы демографии, М., 1983.

³ Миграция сельского населения. М., 1970; Методологические проблемы системного изучения деревни, Новосибирск, 1977; Методологические проблемы системного изучения деревни, Новосибирск, 1980; *Корель Л.В.*, Перемещения населения между городом и селом в условиях урбанизации, Новосибирск, 1982 и др.

⁴ *Хорев Б.С., Чапек В.И.*, указ. соч.; *Хорев Б.С.*, Проблемы городов. (Урбанизация и единая система расселения в СССР). М., 1975; *Мойсенов В.М.*, Территориальное движение населения. Характеристика и проблемы правления, М., 1985; *Вечканов Г.С.*, Миграция трудовых ресурсов в СССР (Политико-экономический аспект) Л., 1981 и др.

⁵ *Рыбаковский Л.Л.*, указ. соч.

⁶ *Староверов В.И.*, Социально-демографические проблемы деревни. Методология, методика, опыт анализа миграции, М., 1975; *Оникиенко В.В., Поповкин В.А.*, Комплексное исследование миграционных процессов. Анализ миграции населения УССР, М., 1973; *Топлин А.В.*, Территориальное перераспределение трудовых ресурсов в СССР. М., 1975; *Ходжабекян В.Е., Вазе Ю., Шафер Р.*, Демографические проблемы и воспроизводство трудовых ресурсов, Е., 1983 и др.

⁷ *Бровин А.*, указ. соч.; *Адонц М.А., Давтян Л.М.*, указ. соч.; *Шабанова М.А.*, Сезонные строители в Сибирском селе, Известия АН СССР Сибирского отделения, Серия экон. и прик. социологии, N7, вып. 2, 1986; её же, Портрет строителя - сезонника, 1986, N9; Житие одного шабашника, Экономика и организация промышленного производства АН СССР Сибирского отдела, N3 (153), 1987; *Войтович С.А., Никифорок Я.Д.*, указ. соч.

⁸ *Касперович Г.М.*, Миграция населения в города и этнические процессы. (На материалах исследования городского населения БССР), Минск, 1985; *Гинзбург А.И.*, О влиянии некоторых национальных традиций на миграцию из села в город (На материале Молдавской и Узбекской ССР), СЭ, N 4; 1980, *Хайкина М.Э.*, К вопросу о структуре межличностного общения мигрантов в иноэтнической среде (По материалам опроса Ленинградских татар) СЭ, N4; 1980, *Карапетян Р.С.*, Ереван - новый центр социально-культурного развития армянского народа. - В кн. Население Еревана (этносоциологические исследования), Е., 1986.

տական լայն մասշտաբներ, որին, ըստ Աշխատանքի միջազգային բյուրոյի գնահատման, 1980-ական թվականներին մասնակցել է 19,7-ից մինչև 21,7 մլն մարդ: Աշխատելու նպատակով Աֆրիկայի մի շարք երկրներից ժամանակավորապես մեկնում էրն Պարսից ծոցի հարուստ նավթային շրջաններ, Անգլիա, Ֆրանսիա, Թուրքիայից՝ ԳՖՀ, Մեքսիկայից՝ ԱՄՆ, Կանադա և այլն: Կապված այդ տեղաշարժերի կարգավորման, աշխատուժի օգտագործման, նոր միջավայրում միգրանտի ադապտացման և այլ հարցերի հետ՝ հիմնախնդրին անդրադարձել են նաև ինչպես խորհրդային, այնպես էլ արտասահմանյան գիտնականներ¹:

Արտագնացության հիմնախնդրի ուսումնասիրությունն ունի ոչ միայն զուտ տեսական, այլև գործնական նշանակություն: Տեսական կողմի քննարկումը հնարավորություն է տալիս դրա ելակետային դրույթների և կառուցվածքի, ինչպես նաև մի շարք հասկացությունների մշակման և ճշգրտման: Արտա-

գնացության գործնական կողմի ուսումնասիրության նշանակությունն է՛լ ավելի էր մեծանում, երբ ամբողջ երկրում ծառացած էին ժողովրդական տնտեսության վերակառուցման և աշխատանքային ռեսուրսների ռացիոնալ օգտագործման հարցերը: Սրանք առավել սուր արտահայտություն ստացան Հայաստանում 1988թ. դեկտեմբերի 7-ի երկրաշարժից հետո, որի հետևանքով Գյումրի, Վանաձոր և Սպիտակ քաղաքների հետ լրիվ կամ մասնակիորեն ավերվեց 342 գյուղական բնակավայր, վնասվեց 54 հազ. բնակելի տուն, 83 դպրոց, շուրջ 90 մանկապարտեզ, առողջապահության 84 օրյեկտ և այլն²: Նման պայմաններում, երբ հանրապետությունը որակյալ շինարար մասնագետների մեծ կարիք էր զգում, հարկավոր էր մշակել մեխանիզմներ, որոնք հնարավորություն կտային ոչ միայն այդ շրջանների, այլև ողջ հանրապետության արտագնացների աշխատուժն օգտագործել ավերված քաղաքների և գյուղերի արագ վերականգնման համար³:

¹ *Старченко Г.И.*, Проблемы занятости и миграции населения Турции, М., 1975; *Михайлов Е.М.*, Иностранная рабочая сила во Франции. Экономические, социальные и политические аспекты, М., 1977; *Латышев И.А.*, Семейная жизнь японцев, М., 1985; Мигранты.— Курьер Юнеско, октябрь 1985г. и др.

² «Արվեստական Հայաստան», 6. 01 1989թ.:

³ Դա հնարավորություն կտա նաև վերականգնման աշխատանքներում ընդգրկելու Վրացական ԽՍՀ Ախալքալաքի, Ախալցխայի և Բոգղանովկայի շրջաններից ստեղծված տարի արտագնացության մեկնող մոսկովորապես 15-ից մինչև 20 հազ. հայերի: Տե՛ս «Коммунист», 14.04. 1989г.